

مجموعه سنون

اثر

جمعیت علمیہ عثمانیہ

اوچنچی سنہ

نومرو ۲۷

ربیع الاول

استانبول

جمعیت علمیہ عثمانیہ مطبعہ سئدہ طبع اولیٰ شد

۱۲۸۱

سائر اشجار مثمره یبانی اوله رق نشو و نما بولد یغی مثلاًو شکر قاشی
و پاموق و قهوه و قوتون دخی خدایی نابت اوله رق حصوله کلور
پرنج و طاتلی پتانس و مصر بغدادی زراعت اولنوب بال ایله برنوع
صنغ دخی حاصل اولور

جزیره مذکوره نك فرانسده لویه انتقائنده اسارت اصولنك لغویه
اهالی یکنده بولسان اوج بیک اسیر دولت طرفندن اصحابنه بدلی
ویریلرک ازاد اولنمشدر دولتک تشویق اوزرینه البوم اوراده خیل
فرانسزلر تمکن ایدوب تجارت و زراعتله مشغولدرلر

(منیف)

(خلاصه پولیتیکه)

بکن دفعه یازلد یغی وجهله تونسده رئیس عصات طرفندن شرط
اطاعت اولق ارزره دولتلو والی پاشا حضر تدرینه تکلیف اولسان
مواد معلومه دن برسی خزینه دارک مملکتدن طرد و اخراجی شرطی
اولد یغی حالده بوندن صرف نظره دائره اطاعتده دخول ایشدر
و بوتک مقابلنده والیء مشار الیه طرفندن رئیس مومی الیه الی بیک
غروش قیمتده املاک ویریلوب بوندن بشقه اوله رق هم کدوسی
و همده برادری بعض صورته تلطف قلمشدر فقط ینه مشایخ
عرباندن منصور بن طاهر الی بیک سواری ایله هنوز حال عصیانده
بولنه رق خزینه دار مومی الیه ک دفعی طلبنده اصرار ایتکده
اولد یغی مثلاًو سوس و صفاقس اها لسی دخی هنوز دائره اطاعتده

کیرماشلر در . امر اختلاک مندفع اولدیغی خصوصی بودفعه والی پاشا طرفندن رسماً قونساوسلره اشعار اولمش و بوندن بویله ینہ عصیان ظهور ایتدیکی حالده اندفاعنه چاشلق اوزره مجدداً بر اردو تهیئه و ترتیبه مباشرت قلمشدر . اروپا دولتری سفائی حالا تونسه بولسه رقی کرکی کبی امن و اسایشک تقریرینه منتظر اولدقلری مثللو هنوز حال عصیانده بولنانلردخی سفائن مذکورہ تک عودتلیغی بکلمکده درلر .

امریقاده شماللولر براز وقتدنبرو حصرو تضییق ایتدکلی پترسبورغ شهرینک اخذینسه ظفریاب اوله میه رقی مایوساً و اشتطونه عودت ایتمشلر و جنوبلر کلیتو عسکرله کلوب ماریلاند مملکتنی استرداد ایتمشلر در .

مکسیقاده اصل یرو اولوب امریقانک سائر اهابسی کبی حال و حشته بولنان طوائف ایمراطور جدید ماقسیمین حضرتلرینک مسندنشین حکومب اولسنی اورالزجه سبب صلح و اسایش عد ایتدکلی جهتله ایمراطور مشارالیه طرفنه کندو محصولاتلردن هدیهلر تقدیمله جلوسنی تبریک ایتمشلر در . معلوم اولدیغی اوزره مکسیقا امریقانک سائر ممالکنه مقبوس اولوب اهابسنک جزؤ اعظمی اشبو وحشیلردن عبارت اولدیغندن بونلرک جلب و تأمین حکومته مهم امور دن بولمش و بودفعه اولوجهله طرف حکومت ابراز ایتمش اولدقلری مآثر میل و مودت ایمراطور مشارالیهجه اعظم اسباب موفقیتدن عد اولمشدر .

اوستریا دولتنک یونان قرال جدیدی تصدیق الیسی اساساً قبول اوانوب عهد قریبده رسماً اعلانی مصمم بولمشدر .

ناپولی قرالی سابق ایکنجی ژوزف حالا روماده اقامت ایدرك ممالك
مغصوبه سنك استردادى اسبابنك استحصالتنه حسب الامكان سعى
ایتمكده اولدیغندن غالبا ایتالیا دولتنك وقوعبولان رجاسی اوزرینه
بو دفعه دخی فرانسه دولتی طرفندن قرال مشار الیهك رومادن
اخراج و تبعیدی خصوصی پایا حضرتلرینه تکلیف اولنش ایسده
ملجی قبولی اصولنك هر حالده خللدن وقایه سی لازم و لابد
اولدیغی جهتله تکلیف مذکورك اسعافی ممکن اوله میده جغی جوابی
ویرلشدر.

ویانه ده تجمع ایتش اولان اوستریا و پروسیا و دانیمارقه مرخصلری
مقدمات صلحیه قرار ویرلشدر. اشو صلح اقتضاسیجه دانیمارقه
دولتی هولشتاین و شلزویق و لاونبورغ دوقه لقلرینی اوستریا
و پروسیایه ترك ایده جك و بو صورتده دانیمارقه تحت حکومتمندن
چیقه جق نفوسك مقداری طقوز یوز ایتش بیک نفوس اولوب دولت
مشار الیهانك برملیون یدی یوز بیک نفوسی قاله جقدر. فقط اوروپانك
خارجنده بولنان سکسان بیک نفوسی بو حسابه داخل دکلدر.